



Broj: 01-56/22
Vareš, 30.03.2022. godine

Na osnovu člana 2.12. stav (5) Izbornog Zakona BiH ("Službeni glasnik BiH", broj : 23/01, 7/02, 9/02, 20/02, 25/02, 04/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 07/14,31/16 i 41/20), člana 22. Statuta općine Vareš (prečišćeni tekst), broj:01-162/12 od 11.09.2012. godine, člana 7. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", broj: 67/21, 73/21 i 13/22) i Odluke o raspisivanju Javnog oglasa za imenovanje dva člana Općinske izborne komisije Vareš, Općinsko vijeće Vareš objavljuje

JAVNI OGLAS

za imenovanje dva člana Općinske izborne komisije Vareš

I

- (1) Objavljuje se javni oglas za imenovanje dva člana Općinske izborne komisije Vareš.
- (2) Člana Općinske izborne komisije Vareš imenuje Općinsko vijeće Vareš, uz saglasnost Centralne izborne komisije Bosne i Hercegovine na period od 7 (sedam) godina, od dana davanja saglasnosti Centralne izborne komisije Bosne i Hercegovine.
- (3) Kandidat za člana Općinske izborne komisije treba ispunjavati sljedeće opće uvjete:
 - a) da je osoba sa pravom glasa;
 - b) da je osoba sa odgovarajućom stručnom spremom.

II

- (1) Pored općih uvjeta iz tačke I ovog Javnog oglasa, osoba koja je kandidat za člana Općinske izborne komisije Vareš mora ispunjavati i sljedeće posebne uvjete:
 - a) da ima prebivalište na području općine Vareš;
 - b) da ima završen fakultet, VII/I stepen stručne spreme ili završen fakultet Bolonjskog sistema studiranja sa najmanje 180 ETSC i
 - c) da posjeduje iskustvo u provođenju izbora.
- (2) Pod iskustvom u provođenju izbora podrazumijeva se:
 - a) članstvo u izbornoj komisiji i/ili
 - b) članstvo u biračkom odboru na izborima obuhvaćenim Izbornim zakonom Bosne i Hercegovine

III

- (1) Izuzetno, u općinama koje imaju do 700 upisanih birača, član izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija, nema prijavljenih kandidata koji ispunjavaju uslove tražene javnim oglasom, a radi primjene člana 2.14 stav (1) Izbornog zakona BiH, vodeći računa o posljednjem popisu stanovništva.
- (2) Izuzetno, član izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja je manja od 2.000 birača upisanih u Centralni birački spisak ili se radi o ponovnom izboru (reimenovanju) člana izborne komisije odnosno ako je potrebno ispoštovati odredbe član 2.14 stav (1) Izbornog zakona.
- (3) Odredba stava (2) ove tačke se ne primjenjuje u slučaju imenovanja člana izborne komisije u skladu sa stavom (1) ove tačke.

IV

- (1) Sastav Općinske izborne komisije je multietničan tako da odražava konstitutivnih naroda uključujući i ostale vodeći računao posljednjem popisu stanovništva provedenom na državnom nivou.
- (2) U sastavu Općinske izborne komisije, nastojat će se obezbijediti ravnopravna zastupljenost spolova u skladu sa Zakonom o ravnopravnosti u BiH.

V

- (1) Član izborne komisije može biti predsjednik ili sudac redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, osobe profesionalno zaposlene u općinskim organima uprave i druga lica, ako ispunjavaju uvjete određene članom 2.2. Izbornog zakona BiH, a nemaju smetnji iz člana 2.3. Izbornog zakona BiH.
- (2) Za člana izborne komisije ne može biti imenovana osoba obuhvaćena članom 2.3. Izbornog zakona BiH, kao ni osoba koja obavlja izvršnu funkciju, kako je utvrđeno odredbom člana 1.8. stav (6) Izbornog zakona BiH, niti osoba koja je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

VI

U skladu sa članom 2.3 i i članom 2.12. stav (7) Izbornog zakona BiH, za člana Općinske izborne komisije ne može biti imenovana osoba:

1. koja se ne može kandidovati u smislu odredbi člana 1.6, 1.7, 1.7a Izbornog zakona Bosne i Hercegovine;
2. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
3. koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona Bosne i Hercegovine;
4. koja je kandidat za izbore za bilo koji nivo vlasti u Bosni i Hercegovini;

5. kojoj je izrečena kazna za težu povredu Izbornog zakona Bosne i Hercegovine ili propisa za koji je lično odgovorna, u posljednje četiri godine računajući od dana pravosnažnosti odluke;

VII

- (1) Član Općinske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže (član 2.12 stav (7) Izbornog zakona Bosne i Hercegovine).
- (2) Član izborne komisije ne može biti osoba koja obnaša izvršnu funkciju, kako je utvrđeno odredbom člana 1.8 stav (6) Izbornog zakona BiH, odnosno osoba koju je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i Općinsko vijeće, odnosno skupština općine.

VIII

Uz prijavu na javni oglas potrebno je dostaviti sljedeću dokumentaciju:

1. Prijava na javni oglas koja sadrži kontakt podatke podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa;
2. diploma o završenom stepenu i vrsti stručne spreme;
3. dokaz o posjedovanju iskustva kandidata u provođenju izbora (potvrda izborne komisije o imenovanju i radu u biračkom odboru, rješenje o imenovanju u izbornu komisiju ili birački odbor u mandatnom periodu);
4. obrazac PBA-3 o prebivalištu kandidata-a, ne stariji od tri mjeseca;
5. svojeručno potpisanu i od nadležnog organa ovjerenu izjavu o nacionalnom izjašnjenju kandidata sa posljednjeg popisa stanovništva u Bosni i Hercegovini;
6. svojeručno potpisanu i od nadležnog organa ovjerenu izjavu o nepostojanju smetnji iz tačke VI ovog javnog oglasa (član 2.3 Izbornog zakona Bosne i Hercegovine)
7. svojeručno potpisanu i od nadležnog organa ovjerenu izjavu o nepostojanju smetnji iz tačke VII ovog javnog oglasa (član 2.12 stav (7) Izbornog zakona Bosne i Hercegovine), odnosno da osoba koja je kandidat za člana Općinske izborne komisije nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže i člana 1.8 stav (6) Izbornog zakona BiH, odnosno da osoba koja je kandidat za člana Općinske izborne komisije nije osoba koja obavlja izvršnu funkciju, odnosno osoba koju je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće, odnosno skupština općine;
8. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvo obukama u organizaciji Centralne izborne BiH (ukoliko kandidat posjeduje navedeno).

IX

Dokumenti koji se dostavljaju kao dokaz o ispunjavanju uslova oglasa moraju biti originali ili ovjerene kopije.

Javni oglas će se objaviti u dnevnim novinama „Oslobođenje“, na web stranici općine Vareš <http://www.vares.info> i na oglasnoj tabli općine Vareš.

Rok za podnošenje prijave je 8 (osam) dana od dana objave u dnevnim novinama „Oslobođenje“.

Lista pitanja za intervju sa kandidatima objavljena je na internet stranici Centralne izborne komisije BiH.

Po zatvaranju Javnog oglasa, Komisija će izvršiti klasifikaciju kandidata na one koje ispunjavaju uslove tražene ovim Javnim oglasom i na one koji ne ispunjavaju uslove.

Sa kandidatima koji ispunjavaju uslove Javnog oglasa, Komisija će obaviti intervju, nakon čega će sačiniti rang listu sa redoslijedom kandidata prema uspjehu postignutom u intervjuu (ukupnom broju bodova), u skladu sa članom 10. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", broj: 67/21, 73/21 i 13/22)

Obrazac izjave iz tačke VIII pod rednim brojevima 5., 6. i 7. kandidati mogu preuzeti u kancelariji Stručne službe OV Vareš.

Prijave sa potrebnom dokumentacijom dostaviti preporučeno poštom ili na protokol Općine, u zatvorenoj koverti sa naznakom

**„JAVNI OGLAS ZA IMENOVANJE DVA
ČLANA OPĆINSKE IZBORNE KOMISIJE
-NE OTVARAJ“ na slijedeću adresu:**

**OPĆINA VAREŠ, OPĆINSKO VIJEĆE,
KONKURSNA KOMISIJA
Ul. Zvijezda br. 34, 71330 Vareš**

Neblagovremene i nepotpune prijave neće se uzimati u razmatranje.

**PREDSJEDAVAJUĆA
OPĆINSKOG VIJEĆA**

Mahira Brkić